

Людьскы права в короткости

Дефініція

- людьскы права суть неодобрательны, незрушительны і неперемовчательны оправніня, котры належать каждому чоловікови од народжіня аж по смерть (не допущать ся никака дискримінація)
- заданём каждого демократічного правного штату є зафіксовати природны права до правных норм так, жебы ся стали частков правного порядку як обчаньскы права.
- мішаня ся до людьскых прав і їх огранічіня суть можны в мінімалній мірі в законом точно установлених сітуаціях або в сітуаціях, кідь бы сьме ся просаджованём своїх прав мішали до прав других особ.

Історія охорони людьскых прав

- Про зафіксованя людьскых прав і слобод в повойновій Европі мала розгодуюче значіня Всеобща декларация людьскых прав прията Валнов громадв Організації споєных народів в році 1948. Хоць не є правно завязуючим документом, бере ся за єден із фундаменталных елементів меджінародного традичного права.
- Про охорону людьскых прав в европскім просторі мать розгодуюче значіня Европскый договор о охороні людьскых прав і основных слобод підписаний під защітов Рады Европы в році 1950 в Рімі.
- В році 1966 были в Організації споєных народів прияты: Меджінародный пакт о обчаньскых і політичных правах, котрый обсягує людьскы права першой генерації, і Меджінародный пакт о господарьскых, соціалных і културных правах, котрого обсягом суть людьскы права другой генерації.
- Із многих документів, котры реґулюють шпеціфічны сферы людьскых прав мож спомянути наприклад Европску соціалну харту з року 1961, Договор о зрушіню вшыткых форм расовой дискримімації з року 1965 і Договор о правах дітины з року 1980.
- В правнім порядку Словацькой републікы є фундаментом правовой реґулації людьскых прав Конштитуція Словацькой републікы ч. 460/1992 Зб. і конштитучний закон ч. 23/1991 Зб., котрым ся уваджать Листина основных прав і слобод як конштитучний закон Федеральной громады Ческой і Словацькой Федератівной републікы. Тот сістем правовой реґулації людьскых прав доповнює много меджінародных договорів.
- Значіня людьскых прав про Европску унію підкреслило прията Харты основных прав Европской унії в році 2000.

Джерело: red, Wikipedia, [EUROIURIS](#)